



Holomua Marine Initiative



He aha ka Holomua Marine Initiative?

He ala ka Holomua Marine Initiative e lōkahi ai nā kaiāulu o Hawai'i a puni ma ka ho'okumu a ho'oholo 'ana i nā loina a me nā kānāwai e mālama kūpono ai i nā waiwai o ko kēlā me kēia mokupuni. Na ka Division of Aquatic Resources (DAR), Ka Māhele Kumuwaiwai Kai, e ho'okele mai ma ia ala ho'olālā e ola ai nā kai 'ewalu o Hawai'i nei no nā hanauna e hiki mai ana.

Pehea e 'ōko'a ai ka Holomua Marine Initiative?

Pūpūkahi ia hana e komo ai nā mana'o o nā kaiāulu like 'ole o Hawai'i. Kālele ka Holomua Marine Initiative ma ka 'imi 'ana i nā mana'o waiwai o ko Hawai'i po'e ma ka mālama kūpono 'ia 'ana o nā kumuwaiwai o ko kēlā me kēia mokupuni. 'O ke kanaka nona ka 'āina a nona ke kai, 'a'ole ho'i 'o ke aupuni, 'o ia ka mea e ho'okumu ai a e ho'oholo ai i ia mau loina mālama kumuwaiwai a i ia mau loina ho'āhu ho'i no kēlā me kēia wahi. E a'o hou mai e pili ana i ka ho'okumu 'ia 'ana o Holomua ma ka loulou <https://dlnr.hawaii.gov/holomua/faq/>

Pehea ka holomua 'ana?

Ua ho'okumu 'ia ka Holomua Marine Initiative ma Maui ma 'Okakopa i ka makahiki 2022. He 16 ka nui o nā lālā i wae 'ia e ko Maui mau kaiāulu. Na ia hui, 'o ia ka Hui Ho'okele, ke kuleana o ka haku 'ana i kāmua o kekahi Papa Ho'okele e ho'okumu ana i nā loina mālama kumuwaiwai a i nā loina ho'āhu o ka mokupuni 'o Maui. E ka'ana aku ana ka Hui Ho'okele i ke kāmua o ia Papa Ho'okele i nā kaiāulu o Maui a puni i kēia kau hā'ule lau. E mālama 'ia ana nā Kuka'i Kama'ilio i mea e 'ohi'ohi 'ia ai ka 'ike e ho'oponopono a e ho'omaika'i a'e ai i ia Papa Ho'okele. Hō'ike'ike 'ia ma lalo ka ho'okele 'ana a me ka holomua 'ana o ia hana.

Ke Ala Ho'okele

Ka Hui Ho'okele:

Wae 'ia ka Hui Ho'okele e nā kaiāulu o kekahi mokupuni a ho'olālā 'ia nā pahuhopu, nā kālai, a me nā loina ho'i e mālama kūpono i ko lākou mokupuni.

Ka Ho'okānāwai:

Mālama 'o DAR i nā hālawai ho'olohe e ka'ana aku ai i ka Papa Ho'okele i ho'oponopono 'ia.



Ke Kūkā Kama'ilio:

Hui pū nā kaiāulu o kekahi mokupuni e kūkā kama'ilio ai a e ka'ana aku ai i nā 'ike a me nā 'ano mana'o like 'ole no ka mālama kūpono 'ana i ko lākou mokupuni.

Ke Kuka'i Kama'ilio:

Ka'ana aku ka Hui Ho'okele i ke kāmua o ia Papa Ho'okele i nā kaiāulu o kekahi mokupuni e loa'a ai iā lākou ka 'ike e ho'oponopono a e ho'omaika'i a'e ai i ia Papa Ho'okele.

Ka Ho'okō Kānāwai:

Ka ho'okō 'ana a me ka ho'ohana 'ana i kēia Papa Ho'okele ma kēlā me kēia mokupuni.



Holomua Marine Initiative



Pehea nā mokupuni 'ē a'e?

'O kēia 'ānu'u mua o Holomua Marine Initiative ma Maui ka maka mua wale nō o ia hana. Ke ho'okō 'ia kēia hana ma Maui, na DAR e nā'ana i nā ha'awina a me nā a'oa'o o ia hana a e hakuloli i ia hana no nā kaiāulu a me nā mokupuni e koe ana ma Hawai'i pae'āina. 'O nā kaiāulu a me nā mokupuni e hoihoi ana i ia ala ho'okele, e ka'ahale ana ka Holomua Marine Initiative i kēlā me kēia mokupuni e ho'olako ai i nā kumuwaiwai a me ka lawa o ka wā e mālama ai i kēlā me kēia wahi.

Pehea wau e komo ai i ia hana?

'O ke komo 'ana ma nā hana kaiāulu ma ka ho'omaka 'ana o ia hana, 'o ia ke ala maika'i loa e komo ai ma ka Holomua Marine Initiative. No ka 'imi 'ana i nā 'ike kiko'i e komo ai ma ia hana, e kau ma ka loulou <https://dlnr.hawaii.gov/holomua/get-involved/> a e kāinoa ma ka leka nū hou e loa'a ai nā nū hou iā 'oe e pili ana i ia hana.

I nā he kama 'oe no Maui, e maka'ala 'oe no nā Kuka'i Kama'ilio i kēia kau hā'ule lau i hiki iā 'oe ke ka'ana aku i kou mau mana'o no ke kāmua o ka Papa Ho'okele no Maui. E kāinoa no ko mākou leka nū hou a i 'ole e hahai iā mākou ma ko mākou mau kūlelepaho e loa'a ai ka nū hou iā 'oe.



@holomuamarine



@Holomua Marine Initiative



@holomuamarine

I ola nā kai o Hawai'i i ka nui i'a

So the waters of Hawai'i thrive with abundance

© Bert Weeks

Visit us at www.dlnr.hawaii.gov/holomua